

ZAKON

O IZMJENAMA I DOPUNAMA ZAKONA O IGRAMA NA SREĆU

Član 1.

U Zakonu o igrama na sreću ("Službene novine Federacije BiH", broj 1/02) u članu 9. u stavku 2. iza riječi "uslugama" stavlja se zarez i dodaju riječi: "da se unaprijed uplati 6% od ukupne vrijednosti nagradnoga fonda, i to: ravnomjerno 1,5 % Crvenom križu, "Caritasu", "Merhametu MDD" i "Dobrotvoru".

Član 2.

U Članu 17. iza stava 2. dodaju se novi st. 3., 4., 5., 6., 7. i 8. koji glase:

"Od dijela sredstava koji prema odluci iz stava 1. ovoga člana pripadaju Federaciji, 50 % sredstava Vlada Federacije raspodijelit će za financiranje programa koji se odnose na:

- prikupljanje sredstava za oboljelu djecu i mlade od teških bolesti čije se liječenje finansira iz Fonda solidarnosti;
- zaštitu prava djece koja su žrtve zlostavljanja, pedofilije, prosjačenja;
- zadovoljavanje potreba osoba s invaliditetom u smislu poboljšanja životnih uvjeta i njihovih organizacija;
- sudjelovanje u borbi protiv droga i ovisnosti;
- smještaj i utočište žrtvama torture i nasilja;
- amaterski sport radi povećanja sredstava fonda za nagrađivanje pojedinaca za istaknute sportske rezultate u amaterskom sportu;
- promoviranje kulture i tehničke kulture i udruga koje se bave inovacijama za nagradni fond za nagrađivanje inovatora za inovacije od međunarodnog značaja;
- aktivnosti u razvitku civilnoga društva;
- rad javnih kuhinja.

Sredstva iz stava 3. ovoga člana dodjeljuju se po osnovi programa rada i projekata. Nositelji programa i projekata, odnosno organizacije, udruge i dr. podnose zahtjeve za dobivanje sredstava iz stava 2. ovoga člana mjerodavnom federalnom ministarstvu, najkasnije do kraja tekuće za sljedeću godinu.

Raspodjela sredstava vrši se na temelju Pravilnika o kriterijima za raspodjelu sredstava koji donosi Ministarstvo. Povjerenstvo priprema kriterije i dostavlja ih Vladi Federacije na usvajanje. Nakon što Vlada Federacije usvoji kriterije, Povjerenstvo objavljuje javni poziv za prikupljanje zahtjeva za dodjeljivanje sredstava, u kojem navodi i kriterije za raspodjelu. Javni poziv se objavljuje u jednoj od dnevnih novina u Federaciji najkasnije do kraja listopada tekuće godine.

Federalno ministarstvo finansija formira Povjerenstvo koje, do kraja ožujka tekuće godine, utvrđuje prijedlog raspodjele sredstava iz stava 3. ovoga člana i dostavlja Vladi Federacije na usvajanje. Povjerenstvo je sastavljeno od po jednog predstavnika Federalnog ministarstva finansija, Federalnog ministarstva zdravstva, Federalnog ministarstva rada i socijalne politike, Federalnog ministarstva obrazovanja i znanosti, Federalnog ministarstva kulture i sporta, Federalnog ministarstva razvoja, poduzetništva i obrta, i po jednog člana Odbora za rad i socijalnu skrb, Odbora za braniteljska i invalidska pitanja, Odbora za obrazovanje, znanost, kulturu i sport i Odbora za zdravstvo Zastupničkog doma Parlamenta Federacije Bosne i Hercegovine i Odbora za braniteljska i invalidska pitanja, rad, zdravstvenu i socijalnu skrb i Odbora za obrazovanje, znanost, kulturu, sport i pitanja mladih Doma naroda Parlamenta Federacije Bosne i Hercegovine.

Vlada Federacije posebnom odlukom utvrđuje listu korisnika kojima se raspodjeljuju sredstva iz stava 3. ovoga člana u procentualnom iznosu, a Federalno ministarstvo finansija u roku od 30 dana doznava sredstva

sukladno odluci Vlade Federacije mjerodavnim ministarstvima u roku od 30 dana radi dodjele korisnicima i podnosi informaciju Parlamentu Federacije Bosne i Hercegovine.

Korisnici sredstava iz stava 3. ovoga člana podnose godišnje izvješće o utrošku ovih sredstava mjerodavnom ministarstvu do kraja ožujka tekuće za prethodnu godinu. Utrošak sredstava suprotno Pravilniku o kriterijima iz stava 5. ovoga člana, automatski isključuje korisnika iz raspodjele za naredne dvije godine."

Član 3.

U članu 26. iza stava 2. dodaje se novi stav 3. koji glasi:

"Ako se klasične igre na sreću organiziraju na način utvrđen u članu 19. Zakona, a izvlačenje dobitaka obavlja na teritoriju druge države ili drugog entiteta, sastav povjerenstva i način izvlačenja bit će obavljeni prema propisima koji se primjenjuju na teritoriju na kojem se vrši izvlačenje dobitaka."

Dosadašnji stav 3. postaje stav 4.

Član 4.

U članu 71. u stavu 2. iza alineje 5. dodaje se nova alineja 6. koja glasi:

"- dokaz ovlaštene pravne osobe o uspostavljenoj otvorenoj on-line mreži povezanoj s Poreznom upravom - Središnjim uredom Sarajevo."

Član 5.

U članu 74. u stavu 4. iza riječi: "radu automata" stavlja se zarez i dodaju riječi: " otvorenu on-line mrežu povezanu putem servera s Poreznom upravom - Središnjim uredom Sarajevo,".

Iza stava 4. dodaje se novi stava 5. koji glasi:

"Troškovi telekomunikacijske usluge i uspostava sustava otvorene on-line mreže idu na teret priređivanja."

Dosadašnji stav 5. postaje stav 6.

Član 6.

U članu 78. iza stavka 1. dodaje se novi stav 2. koji glasi:

"Priređivač igara na sreću na automatima u posebnim klubovima obavezan je u svom sjedištu imati tjedne zapise sa servera o uplatama i isplata, u elektronskome obliku, čiji rok čuvanja ne može biti kraći od dvije godine."

Član 7.

U član 80. iza stava 2. dodaju se novi st. 3. i 4. koji glase:

"Na uplatnom mjestu ne mogu se priređivati pojedinačna klađenja na automatima i klađenje uživo.

Igre na sreću klađenjem iz stava 3. ovoga članka mogu se priređivati samo pod uvjetima propisanim članom 86. Zakona."

Član 8.

Član 84. mijenja se i glasi:

"Telekomunikacijska oprema iz članka 81. Zakona mora biti on-line, odnosno otvorena mreža.

Uplatna mjesta moraju biti uvezana otvorenom on-line vezom putem centralnog servera priređivača s Poreznom upravom - Središnjim uredom."

Član 9.

Član 85. mijenja se i glasi:

"Kladioničar je obvezan u svom sjedištu imati tjedne zapise sa servera o uplatama i isplatama, u elektronskome obliku, čiji rok čuvanja ne može biti kraći od dvije godine."

Član 10.

U članu 87. iza stava 3. dodaje se novi stav 4. koji glasi:

"Ako u obavljanju inspekcijskog nadzora ovlašteni službenik iz stava 1. ovoga člana utvrdi da se priređuju igre na sreću iz člana 3. Zakona suprotno odredbama ovoga zakona, donijet će rješenje o zabrani priređivanja igara na sreću i privremeno zapečatiti prostor u kojem se priređuju igre na sreću, te pokrenuti prekršajni postupak."

Član 11.

U članu 88. u stavku 1. broj " 2.000,00" zamjenjuje se brojem "3.000,00", a broj "50.000,00" zamjenjuje se brojem "15.000,00".

U stavu 1. u tački 1. u zagradi iza riječi "čl." dodaje se broj "9."

Iza tačke 10. dodaje se nova tačka 11. koja glasi:

"11. ako dozvoli pristup kasinu, klubovima za igre na sreću na automatima i kladionicama maloljetnim osobama, odnosno osobama koje nisu dokazale identitet."

U stavu 2. broj "100,00" zamjenjuje se brojem "1.500,00", a broj "5.000,00" zamjenjuje se brojem "3.000,00".

Iza stava 2. dodaje se novi stava 3. koji glasi:

"Pored novčane kazne pravnoj osobi za učinjene prekršaje iz ovoga člana, bit će izrečena i zaštitna mjera oduzimanja sredstava i predmeta koji su korišteni za priređivanje igara na sreću."

Član 12.

Iza člana 88. dodaje se novi člana 88a. koji glasi:

Član 88a.

Novčanom kaznom u iznosu od 1.500,00 KM bit će kažnjen za prekršaj građanin i poduzetnik ako priređuje igre na sreću iz člana 3. Zakona.

Pored novčane kazne građaninu i poduzetniku za učinjene prekršaje iz stava 1. ovoga člana, bit će izrečena i zaštitna mjera oduzimanja svih sredstava i predmeta koji su korišteni ili koji se mogu upotrijebiti za priređivanje igara na sreću, kao i zabrana obavljanja djelatnosti priređivanja igara na sreću."

Član 13.

Iza člana 91. dodaje se novi člana 91a. koji glasi:

"Član 91a.

Svi priređivači igara na sreću dužni su uskladiti svoj rad s ovim zakonom u roku od tri godine od dana stupanja na snagu ovoga zakona."

Član 14.

Ovaj zakon stupa na snagu osmoga dana od dana objavljivanja u "Službenim novinama Federacije BiH".

Predsjedatelj
Doma naroda
Parlamenta Federacije BiH
Stjepan Krejić, v. r.

Predsjedatelj
Zastupničkoga doma
Parlamenta Federacije BiH
Safet Softić, v. r.

Na osnovu člana IV.B.7. a)(IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O IZMJENAMA I DOPUNAMA ZAKONA O IGRAMA NA SREĆU

Prolašava se Zakon o izmjenama i dopunama Zakona o igrama na sreću koji je donio Parlament Federacije BiH na sjednici Predstavničkog doma od 8. juna 2010. godine i na sjednici Doma naroda od 27. maja 2010. godine.

Broj 01-02-362/10
8. jula 2010. godine
Sarajevo
